

Broj: 09-11-4-2011-15/25

Sarajevo, 12.12.2025. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14, 59/22 i 50/24), a na prijedlog Komisije za javne nabavke, imenovane Rješenjem, broj: 09-11-4-2011-1/25 od 14.11.2025. godine, federalni ministar raseljenih osoba i izbjeglica **d o n o s i**

ODLUKA
o izboru najpovoljnijeg ponuđača

I

U cilju odabira najpovoljnijeg ponuđača, nakon provedenog otvorenog postupka javne nabavke roba - hrane i sredstava za higijenu za potrebe Federalnog ministarstva raseljenih osoba i izbjeglica, evidencijski broj nabavke 09-11-4-2011-3/25, broj obavještenja o nabavci sa Portala javnih nabavki 668-1-1-114-3-60/25 od 14.11.2025. godine, a čiji je sažetak objavljen u „Službenom glasniku BiH“ - Oglasnik javnih nabavki, broj 70/25, kao najbolje ocijenjena prihvatljiva ponuda, nakon uspješno okončane e-aukcije, utvrđena je ponuda ponuđača: **Max trgovine d.o.o. Zenica, sa ukupnom cijenom ponude u iznosu od 122.499,00 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom, jer ispunjava sve uslove propisane tenderskom dokumentacijom, te je, prema kriteriju za dodjelu ugovora – najniža cijena, nakon uspješno provedene e-aukcije, utvrđena kao najpovoljnija za Federalno ministarstvo raseljenih osoba i izbjeglica.

III

Izabrani ponuđač dužan je, u roku od 5 (pet) dana od dana prijema obavještenja o rezultatima postupka nabavke, dostaviti dokaze o kvalificiranosti, u skladu sa Zakonom o javnim nabavkama BiH.

IV

Za realizaciju ove odluke zadužuje se Služba za pravne, personalne i poslove javnih nabavki.

V

Ova odluka stupa na snagu danom donošenja, a bit će objavljena na web-stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama BiH, te istovremeno dostavljena svim ponuđačima koji su učestvovali u predmetnom postupku.

Obrazloženje

Postupak javne nabavke pokrenut je Odlukom o pokretanju postupka, broj: 09-11-4-2011/25 od 14.11.2025. godine, kojom je ugovorni organ odobrio provođenje otvorenog postupka za nabavku roba – hrane i sredstava za higijenu za potrebe Federalnog ministarstva raseljenih osoba i izbjeglica. Procijenjena vrijednost nabavke iznosila je 192.000,00 KM bez PDV-a za period od jedne godine, planirana Planom javnih nabavki Federalnog ministarstva raseljenih osoba i izbjeglica za 2025. godinu, dio I – Robe, pod rednim brojem 1. Obavijest o nabavci, broj: 668-1-1-114-3-60/25, poslana je na objavu 14.11.2025. godine, te je zajedno sa tenderskom dokumentacijom istog dana objavljena na Portalu javnih nabavki BiH. Tenderskom dokumentacijom predviđeno je zaključivanje okvirnog sporazuma sa jednim ponuđačem na period od jedne

godine, kao i provođenje e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Tendersku dokumentaciju preuzelo je 21 pravno lice, a 6 ponuđača dostavilo je blagovremene ponude, i to: Bosna-Kom d.o.o. Gračanica, Lala i Lačo d.o.o. Bijeljina, Inter-Com d.o.o. Zenica, Max Trgovine d.o.o. Zenica, Nedix Prom d.o.o. Srebrenik i Vega-Pak d.o.o. Sarajevo.

Komisija za javne nabavke izvršila je pregled i ocjenu svih pristiglih ponuda i utvrdila da su iste prihvatljive i u potpunosti u skladu sa zahtjevima tenderske dokumentacije. E-aukcija je održana 10.12.2025. godine, sa početkom u 11:35 sati. Nakon uspješno okončane e-aukcije, u skladu sa članom 66. Zakona o javnim nabavkama („Službeni list BiH“ br. 39/14, 59/22 i 50/24) i članom 17. Uputstva za pripremu modela tenderske dokumentacije i ponuda („Službeni list BiH“ br. 90/14 i 20/15), Komisija je ponuđaču Max trgovina d.o.o. Zenica uputila zahtjev za pojašnjenje neprirodno niske cijene, broj: 09-11-4-2011-12/25 od 10.12.2025. godine na koji je ponuđač u ostavljenom roku dostavio svoje pojašnjenje broj: 09-11-4-2011-13/25 od 12.12.2025. godine.

Nakon izvršenog pregleda i evaluacije ponuda, uspješno okončane e-aukcije i pojašnjenja neprirodno niske cijene, Komisija je sastavila Zapisnik o pregledu i ocjeni ponuda, broj: 09-11-4-2011-14/25 od 12.12.2025. godine, zajedno sa Preporukom o izboru najpovoljnijeg ponuđača Max trgovine d.o.o Zenica, budući da je izabrani ponuđač dostavio prihvatljivu ponudu u skladu sa uslovima postavljenim u tenderskoj dokumentaciji, a u skladu sa kriterijem za dodjelu ugovora – najniža cijena.

U postupku donošenja ove odluke, posebno su cijenjene činjenice da je Komisija pravilno i u potpunosti izvršila ocjenu kvalifikovanosti ponuđača, kao i ocjenu pristiglih ponuda, u skladu sa Zakonom o javnim nabavkama („Službeni glasnik BiH“, broj: 39/14, 59/22 i 50/24) i Pravilnikom o uspostavljanju i radu komisije za nabavke („Službeni glasnik BiH“, br. 103/14 I 49/23).

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama („Službeni glasnik BiH“ broj: 39/14, 59/22 i 50/24), odlučeno je kao u dispozitivu ove Odluke.

Pouka o pravnom lijeku:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

MINISTAR

Nerin Dizdar

Dostaviti:

1. Svim ponuđačima u postupku
2. Komisiji za nabavke
3. a/a